

中国边疆研究资料文库·边疆行政建制初编

綜合

中国边疆研究资料文库·边疆行政建制初编

綜合

邊塞攷經國雄略卷之一

清漳 鄭崑貞十師

南安伯鄭芝龍飛虹 全鑒定

武榮 鄭鴻逵羽公

溫陵 鄭大郁孟周



邊塞攷

夫謀臣之於事也。未然而畫之。則爲之計利害。壽
多寡。視遠。視近。較彼較我。若大賈行貨。度三五之

數而等貴賤之利也。其畫定而舉也。不以譖奪。不以禍怵。迅往迅來。飄飄乎若驚鳥之搏也。若峽水
下舟而放之疾也。故始無輕發。終鮮隙事。後至者
弗可弗稽矣。我

太祖驅逐胡元。

成祖三犁虜庭。其初立宣府。大同。甘肅。遼東。太寧。寧
夏。爲六鎮。其後益以薊州。榆林。固原。而九邊聯絡。
城守特重焉。我

國家建都北平，東則薊州爲左輔，極之而至於遼東，西則宣府爲右肩，極之而至於大同、榆林、固原、寧夏、甘肅，北則以黃花鎮爲後門，極之而至於古北口、潮河川，此大略也。凡營堡之疎密，斥堠之遠近，城塹之高深，陵谷之險易，道路之迂直，與河之內外，山之前後，境之東西，及虜所往來出入之衝，籌邊君子可不觀形審勢，繪圖列象，使元戎甲士揣其山川，與其要害，然後扼其吭而笞其背，斷其命

而制其臂乎。吾將略其緩而詳其急。俟當事者擇
焉。遼陽城未易議也。若守之于三岔河。慎之于山
海關。則遼東可無慮也。太寧鎮未易復也。若屯田
于黃花鎮。積石于潮河川。則薊州可無恙也。榆林
寧夏。近于套虜。則脩補城墻。添設叅遊。彼此相爲
應援。非常山蛇勢乎。甘肅固原。相爲唇齒。則脩嘉
峪之關。置沿河之哨。西北相爲倡和。非兩輔夾車
乎。至宣大所係。非他鎮可比。則尤不可不熟講也。


宣府山川糾結去京師爲近而軍士勇敢則撫綏
爲易苟補浮屠峪之募兵重挿箭嶺之防守或者
其守也猶易若大同川原平行虜無阻塞而偏頭
闊逼近黃河焦家坪實虜渡口虜終出套便涉其
境此九邊中之最難守者也邇年以來屢寇山西
必自大同入侵犯紫荆必自宣府入事可徵也雖
然海西夷居宅田作與中國同射獵侵掠與北虜
同況內附旣久則信義可責其勦之也則存撫情

其撫之也。則寓勸威。是可嘗服也。惟東西之朵顏。黠詐不嘗。而其要害則潮河川爲最。西北之套虜。肥饒易寇。而其要害則花馬池爲最。昔王恭襄花當之績。馬端肅遼東之役。其謀審矣。然必識其機。而後用其謀。不然。百年之計。不可以旦夕效。而見在眉睫者。謂迂矣。獨觀之見。不可令衆庶測。而不得其指者。謂詭矣。是故國貴識識者。則用人不可不亟講矣。

九邊

今日九邊之所以多寇者。頑懦媒之也。積儒之所以難祛者。以振飾未寔也。蓋寔以振之。則兵無不精。餉無不裕。士聞敢戰之雄將。奮捐驅之志矣。此邊務之最宜亟講者。

國家建都燕京。三面臨虜。防邊大計。視古加詳。自東至西。綿亘萬里。曰遼東。曰薊鎮。曰宣府。曰大同。曰三關。曰榆林。曰固原。曰寧夏。曰甘肅。此九邊形勝大略也。每邊各設重兵。統以大將。副以偏裨。監以憲臣。鎮以開府。聯以總督。無事則畫地防守。有事則倚角爲



[illegible]

援地形兵力可謂備且周矣。但承平日久舊制漸隳。太寧都司內徙。而左臂單寒。遼陽舊城外棄。而守望勞費。開平移。而上谷之烽火益逼。東勝廢。而三關之設備愈嚴。今且不守偏頭而守靈武矣。河套住牧。鎮遠缺防。而朔方之形勢虧矣。

調入衛之兵以爲嘗。則踐更疲命。是自耗之術也。設擺邊之卒以爲固。則力分推諉。是自弱之道也。募南兵暫爲技擊之倡可矣。還當練土著爲久遠之需。築

墩臺用壯阨塞之關可矣。還當繕城堡以爲清野之計。丁壯則困于脩築。隱于占役。而取數于荷戈矣。糧餉則尅于椿頭。苦于折支。而難望其宿飽矣。方今順治威嚴。虜酋效款。外寧內安。此共一時矣。但貢市利歸酋長。而部落尙挾狼心。馬價暗賞。脂膏已竭。金繒日索。豺豕何厭。板升聚毒。慮有潰決之虞。土蠻垂涎。慮有糾合之舉。宋時初患西昊。竟苦金元。胡運盛衰。東西何嘗之有。未雨而懷桑土之謀。旣濟而謹衣袂。

邊塞

一

六

卷六

之戒今日所當亟講而善圖焉

華書備考

今之患邊防者非其邊防之弛也又非將無其人兵有不足也失在邊儲之不充夫胡騎憑陵如風雨之至我軍人馬當之往往辟易卽有城堡星散四布各鎮所控制不下數千里而屯卒率不滿萬又主帥往往挑以自衛列卒而守番休而更大約數里而一人然且老弱疲餒不任干戈以此而當強胡猶驅羊而抗虎也兵法曰我專敵分今虜率數十萬合爲一屯

我以數千之衆畫地而守此其衆寡不敵卽有倉卒
勢胡以支今此邊之民其飲食略與匈奴同卒然有
急懸金召募卽萬人可立具然而領邊鎮者特苦于
無資且不能用其衆何敢議召募乎

破膽篇

胡虜逼處塞垣以馬媾我而歲竊厚貨以去西欵東
寇旦暮異形憂孔棘矣議者欲取太寧以厚肩背復
河套遼陽以續斷臂撻類衆而走之漠北詎非壯圖
然兵法將戰先料彼已我將吏褕衣偷食而虜復鳴

據其何能戰。因時救敝。自有長策。以愚意籌之。賞事當慎。而人當擇也。土著當練。而客兵當罷也。工役當省。而地險當脩也。足糧餉。當舉屯田。探虜情。當厚間諜。而禁債帥之戕剝。尤喫緊焉。中國良馬利兵。不足扼單于。使令獨市賞一事。以賈生五餌之法。而制其要領。膺斯任者。威重所係。漢以中行召爨。宋以富弼寢兵。國家設四夷館。擇大臣子弟爲譯字生。識熟夷語。俾主撫賞。及遇強胡。則與夜不收等耳。通而議。

細人無知。誘之需索。挑之忿競。而各路提調。卑微猥瑣。莫可誰何。擇慙謹者而使之。猾者斥不與。革提調而令各路叅將駐邊關。主賞事。威望彈壓。虜必悛心。所謂任賞事而擇其人者此也。

武試劍光集

羗人所以易制者。以其種自有豪。數相攻擊。勢不一也。往三十餘歲。西羗反時。亦先解仇合約。

漢書趙充國

御虜之嘗道。來則懲而禦之。去則備而守之。其慕而貢獻。則接之如禮讓。羈縻不絕。

班固